

Popunjavanje Zahtjeva za izdavanje OIT-a

Polje 1 – Podnosilac zahtjeva

Podnosilac zahtjeva je lice koje je podnijelo zahtjev za izdavanje obavezujuće informacije o tarifnom razvrstavanju (OIT) carinskim organima.

U ovom polju upisuje se puni naziv i adresa podnosioca zahtjeva, broj telefona i broj faksa, te identifikacioni carinski broj (JIB).

Polje 2 – Imalac

Imalac je lice u čije ime se izdaje OIT.

U ovom polju upisuje se puni naziv i adresa imaoca, broj telefona i broj faksa, te identifikacioni carinski broj (JIB).

Polje 3 – Špediter ili zastupnik

U ovom polju upisuje se puni naziv i adresa špeditera, broj telefona i broj faksa, te identifikacioni carinski broj (JIB).

Polje 4 – Ponovno izdavanje obavezujuće informacije

Ovo polje se popunjava samo ako se ponovo zahtjeva izdavanje OIT-a. Prilikom popunjavanja ovog polja obavezno se upisuju: broj ranije izdatog OIT-a, datum od kada važi i utvrđena tarifna oznaka.

Polje 6 – Vrsta posla (transakcije, trgovine)

U ovom polju je potrebno označiti DA ili NE kao odgovor na pitanje da li se zahtjev odnosi na stvarno namjeravani uvoz ili izvoz.

Polje 7 – Prijedlog za svrstavanje robe

U ovo polje se treba navesti tarifna oznaka u koju bi se, prema mišljenju podnosioca zahtjeva, trebala svrstati roba za koju se podnosi zahtjev.

Polje 8 – Opis robe

U ovo polje se obavezno upisuje detaljan opis robe koji omogućava njenu potpunu identifikaciju. Ovakav opis podrazumijeva podatke o:

- sastavu robe i svim metodama analize koje su korištene za njegovo utvrđivanje;
- uobičajenom trgovačkom nazivu;
- postupku proizvodnje;
- upotrebljenim sastavnim dijelovima;
- vrijednosti;
- namjeni i upotrebi robe;
- načinu pakovanja robe (naročito kada su u pitanju setovi za maloprodaju) i sl.

Polje 9 – Trgovački naziv robe, oznaka, proizvođač, zemlja porijekla i dodatni podaci

U ovo polje se obavezno upisuje trgovački naziv robe sa pripadajućom oznakom, naziv proizvođača i zemlja porijekla.

Također, potrebno je navesti priloženu dokumentaciju upisanu u polju 10 ili fotografije, za koje od strane podnosioca zahtjeva ili imaoca postoji potreba za povjerljivom obradom od strane UINO, odnosno sve podatke koji se trebaju tretirati kao povjerljivi.

Polje 10 – *Uzorci i slično*

U ovom polju je potrebno obavezno označiti šta je priloženo uz zahtjev (opis robe, prospekti, fotografije, uzorci robe i ostalo). Ukoliko se prilaže uzorak robe, potrebno je označiti DA ili NE kao odgovor na pitanje da se uzorci trebaju vratiti.

Polje 11 – *Drugi zahtjevi za OIT ili drugi OIT u posjedu*

U ovom polju potrebno je označiti DA ili NE kao odgovor na pitanje da li je u proteklom periodu od carinskog organa zatraženo izdavanje, odnosno da li je dobijen OIT za istu ili sličnu robu.

Ukoliko je odgovor DA, potrebno je navesti mjesto i datum podnošenja zahtjeva. Ako je izdat OIT, potrebno je navesti broj izdatog OIT-a, datum od kada važi i utvrđenu tarifnu oznaku, te primjerak istog priložiti uz zahtjev.

Polje 12 – *Obavezujuće informacije izdane drugim licima*

U ovom polju potrebno je označiti DA ili NE kao odgovor na pitanje da li je, prema saznanju podnosioca zahtjeva, OIT za identičnu ili sličnu robu već bio izdavan u BiH drugim licima.

Ukoliko je odgovor DA, potrebno je navesti broj izdanog OIT-a, datum od kada važi i utvrđenu tarifnu oznaku.

Polje 13 – *Datum i potpis podnosioca zahtjeva*

U ovom polju se obavezno:

- upisuje broj u internoj evidenciji podnosioca zahtjeva i datum podnošenja zahtjeva;
- potpisuje zahtjev od strane podnosioca;
- utiskuje pečat podnosioca.